

BE.262. JAHOWA TUHANKI (F=1)

=====

B.E. 262.JAHOWA TUHANKI

1. Jahowa Tuhanki Ho mual ni na denggan
Sitompa sasude Silehon hangoluan
Sai lehon ma di au Pamatang na hipas
Maringan ma di au Baen roha na ias.
2. Urupi au mandok Na patut dohononku
Asa ture hudok Na roa oromonku
Tung baen ma au gomos Mandok na patut i
Margogo ma antong Baen dohot hatangki.
3. Di na tarsosak au Padao ma pandelea
Sitaonon na di au Urupi au mamorsan
Pamonang au tongtong Palambok rohangki
Parroha na holong baen angka donganki.
4. Padame au Tuhan Pasaor tu angka dongan
Ai i do na hombar Tu hataMi o Tuhan
Molo mararta au Binaen ni asiMi
Sai unang be di au Na geduk saor tusi.
5. Ramoti au tongtong Saleleng au mangolu
Matua pe au on Pabenget ma rohangku
So tung marlindang maon tongtong parangengki
Ubanon pe au on Naeng hot do sangaphi.
6. Di hasusuda ni Bohalhu o Tuhanku
Paingot au disi Di nasa na tinaonMu
Tu hasonangan i Pasahat tondingki
Nang di tanomanki Ramoti orbukki
7. Di hamumulakMi Di ari haheheon
Sungguli au disi Baen au marhasangapon
Padomu au disi Tu dongan sasude
Naung pinaluaMi Sian dosana be.
8. Antong pinuji Ho, O Debata Amangku
Pinuji dohot Ho, O Jesuski, Tuhanku
O Tondi nang di Ho Ma hasangapon i
Sitolusada i Sai jalo endengki.